

醫藥叢書

第一集
第五種

惜分陰軒醫案

一卷

中華民國五年冬月鐫版定價每冊

角三

惜分陰軒醫案卷一

紹興醫藥學報社發行

版藏紹
興裘氏

藥學辭典

中華民國五十年冬月辭典出版

讀醫藥學報於中國岐黃家言兼綜條
貫所刊叢書亦多醫林祕籍自頃中醫
日竄歐化東漸物競爭存駸駸有喧奪
之勢作者軒中輕西期以保存國粹意
甚盛也然欲攻人之短必先知人之長
欲伸己之長亦必知己之短吾國醫學

軒岐而後仲聖實集大成然傷寒金匱
兩書章次凌亂已非原書泥古之失豪
釐千里宋元學者門戶分歧溫補清涼
有如聚訟承學之士靡所適從且六淫
之氣與時變遷今病古方不無鑿柄古
之名醫多自採藥後漢韓康賣藥長安

市中所謂賣藥者卽爲人治病前清乾隆中葉吳門葉天士薛生白猶自市藥今世藥品取諸一閩之市審別不確炮製失宜方是藥非誤人尤甚凡此數端皆中醫所短不能自諱其本無學術託此罔利者又無論矣西醫以解剖爲實

驗臟腑部位已較中國古書爲確分化
藥品精益求精不似吾國藥肆之草草
從前以中西體質不同猶多扞格近日
體驗益真成效大著且多以中國藥品
別爲炮製知西方學者於吾國本草諸
書已極研究吾國學者倘未能深窺彼

之堂奧而徒欲抑人伸己恐西醫竊笑
其後也今欲保存舊學唯有舉吾國歷
驗不爽之舊說參以新理融會貫通其
卮言駢枝概從摒棄庶與西醫驟靳并
行不致爲天演所淘汰若遽欲拔趙幟
立漢幟竊恐無是事也作者宜勉之

河間馮國璋序

立英紳... 河間馮國璋序... 其... 堂... 矣

醫藥叢書第一集序

以藝術重當世著方書分流傳上自三代君相下至草野布衣代有其人相沿不絕者儒家之外醫林爲巨擘焉國家多故干戈迭乘世變滄桑難免湮沒或則錯簡脫落或則附會贅疣名重之書價昂而寒素者未易力辦布衣之著名微而徵集者尤多踈忽故書雖汗牛充棟而欲其集大成也難矣曩者越郡吉生裘君與諸同志創辦醫藥學報于紹興公餘之暇每嘆中國醫藥學之荒蕪大都由于醫藥學書之散失而孤本秘著之鮮見者尤難徵集于一時因下詢全國醫藥界籌妥善辦法爲維持久計苦心孤詣可謂至矣乃論者紛紛終難著手謬因提倡公司之說爲實力實行之基礎裘君不以落落爲妄竟首先發起爲衆所難半載以茲效果昭然雖投股者因循觀望而醫藥叢書第一集已誕生于世界矣自後熱心志士紛紛投股踴躍爭先而叢書之出亦由一集而二三集十集百集以至千萬集凡屬醫藥之書莫不匯集且定價低廉便于折

購無價昂之虞免難求之憾有力者購全之可為醫中博士無力者擇購數種
亦可為應世良醫一舉而數善備詎非大快事乎此謬之所以敢為世告而樂
為序端其首云崑

民國五年歲次丙辰葭月常熟汝偉氏張謬識于壽石居

八宿由于醫藥學費之艱夫而本蘇省之貧民者尤難辦藥于一切因不購
上者皆與能同志除雜費樂學購于歐與公翁之細分細中則醫藥學之難
而辦藥者尤多則恐姑書報者半次材而給其兼大知出藥矣是皆通語也
不辭苦論者之不得林欲日學高爾定必姑于夫設乘世變而泰微與西對
以真而重當甘若已書公而謝士自三升丹脉不至草裡清亦升其入脉者
有藥難出藥一與引

醫藥叢書第一集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝為完全藏書格式且為完全國貨

一是集所採各書共計六種皆為極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除預約半價外照定價均無折扣但書業報社代售者另議

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻

刻

一購書者將書價及郵費一併用郵匯最為妥便不通郵匯之處以郵票代銀

亦可但須固封函內掛號直寄紹興城中醫藥學報社收當班奉書不悞

一下集所採書書目莫氏研經言羅氏治驗案吳氏醫案惜分陰軒醫案皆續

刻外為市隱廬醫學雜著李冠仙知醫必辨幅頁加增定價照前並仍准預

約五十部郵費一角六分書價對折作八角限滿截止

式同志育以燕書員惠贈各珍盟

泉書專校決聲戲蘇我寶飛警並日

高藥書館一集凡附

醫藥叢書第一集總目

- 第一種 莫枚士研經言卷一
- 第二種 周氏易簡方集驗方合刻全
- 第三種 羅謙甫治驗案卷上
- 第四種 吳氏醫案卷一
- 第五種 惜分陰軒醫案卷一
- 第六種 重刻人參考全

惜分陰軒醫案序

種族之強弱關於醫學之優劣野蠻部落藉神權以療治卽有擬方藥亦簡單戶口日漸縮減故泰西各國行推崇干涉二義醫術月異而歲不同吾國醫學較泰西發明最早醫籍汗牛充棟不無瑕瑜互見迨漢倉公著診籍本以所學驗之所治詳而載之不涉虛構爲醫案之鼻祖雖後之繼起者代有發明大都述驗爲多周君小農別字伯華幼而聰慧多疾王父達三公尊甫莘農君疊命學醫及長親炙於張聿青先生之門深探此中秘奧繼而應滬上慈善之役警署之職十餘年實驗旣多除署方存根未及錄副外將其筆記所瞻確有見地及曲引旁通者彙而成帙余經在醫報讀其著述他山攻錯極生景仰之心甲寅來游梁溪今夏得親丰儀謙光道貌晉接神怡眞醫界中錚錚君子也夫醫術之不進步亦人自畫之耳誠能同懷此志於臨證之際將病情之轉變藥味之質性悉心研究凡治療而獲效者彙登詳載積月累年合衆流以成巨觀補

惜分陰軒醫案自序

事由神解不涉言詮唐許胤宗氏之揭發也然宗此旨爲禁方言之則可若夫救應得失非錄驗無以徵信治案權輿於左氏及史記倉公傳自謂所診皆有診籍卽後世醫案之所由昉也鎮幼而愚魯在塾僅七稔學識淺陋所解殊俚庚寅冬患喉繼以足疾年餘不能步履先王父始命學醫家君素好方術自課多時負篋訪道會乙未張聿青師至滬祝丈蘭舫榮君瑞馨爲之紹介得親受業侍診重險者不少亦既心領而神會矣畢業後爲人圖治及應慈善之役博施濟衆做精勞神者十餘春秋承乏上海警署醫治者三閱寒暑當是時數十分局二千餘衆臨診鮮暇猶以署方存根未遑錄副解除職務後回里未幾積勞時發倦於遠遊還溯念載治案百不獲一僅撫錄日記者簡直不文隨筆呈露或冗蔓而鮮要或平常而無奇鄙倍空疏在所不免詹詹小言爲大家所不屑道更何足與文章鉅公潤色鴻業並論然以膚末之見不無一得之愚因本

東萊氏傳愈衆病愈白之旨聊作反約之意以就正於有道共相質證云爾

民國五年丙辰首夏無錫伯華氏周鎮小農識於惜分陰軒小言翁大寒

不

公品二千鎊索認爲難知辭以畧式計財未敢發福禍糾纏紛紛回里未幾辭

賦萬泉湖林袋輻皆十紅春煉飛芝士轉響器器音香三閱寒暑當是刊樓十

業科節重劍香不少亦知小節而輻會矣畢業勞爲人圖代又應慈善之列財

多利貞國滿會心未惠華青袖至家福大關誠樂民誠善爲之際介再感受

其具之思君國以互矣手冠不送走費去王父命學醫海有

籍辭明對也醫案之祖由知也檢校而懸香五壁動小翁學無列則取取則

慈懸軒夫非懸鑄無以測計出案謝與儀去丑又史張倉公軒自臨視翁皆

再由輻輻不遊言錦觀指前表丑之辭實山然奈此首爲禁六言之限可哉夫
計公劉神醫案自序

惜分陰軒醫案卷一

無錫 伯華氏周小農述

紹興 裘慶元青生核刊

梁慕華粵籍己亥在魯麟洋行其母五旬餘六月曾經吐血去後十月十六復發十八經別醫用降氣止血不效十九延診脈細弦舌淡白足厥冷少寐素有微咳氣逆吐血勢甚每次一盅總計盈盆矣問其驗過否曰未取出示之沈著濃厚殷紅而帶紫塊放之冷水沈底不散曰此係肝經之血詢其有氣忿否曰有因曰症勢甚重血不養肝有動風痙厥之慮疏丹皮炭側柏炭醋炒當歸炭參三七茜草炭元精石秋石乳汁磨沈香藕節童便等一劑血止然足厥不暄氣火未降猶防再吐廿一用大劑潛養如牛膝炭杞子炭鹽水煨牡蠣生白芍醋炒當歸炭丹皮炭黛蛤散旱蓮草女貞子旋覆花瓊玉膏服後自因夏閒血症服仙鶴草有驗復置猪肉中煮服腕悶不舒氣升復吐蓋許又起頭痛少

寐足厥不暖遂於十九方中去側柏藕節童便加龜甲龍齒百草霜生白芍加
十灰丸三錢開水先服廿三復診血止頭痛定安寐足暖惟心中懊懨山根際
又痛夜閒轟熱醒後肌涼汗冷頸項尤多探之不黏脈象轉靜籌思其故乃陰
虛而生內熱也陽氣本虛故汗不暖虛陽未潛山根猶痛用煨牡蠣龍齒骨龜
版川貝母滁菊蒺藜白歸身杭白芍阿膠茯神棗仁辰砂拌百合心淮小麥服
後熱淡汗止惟夜寐不酣齟又作脹虛陽尙未盡斂用西洋參大麥冬玉竹淮
麥白芍白石英川續斷鈎藤勾滁菊牡蠣阿膠夏草冬蟲瓊玉膏等頭暈齟脹
均退遂可離牀行動靜養調理而瘳

張祥豐滬南住宅乙巳其小主某君素體甚弱伏暑留戀由七月寒熱起邀李
君澹平診治服藥數旬寒熱輕而不退嗣至十一月初來延余診脈數右濡而
虛舌紅苔薄天寒覆被臥而不起其姑二人長齋茹素說起邇日胸前已發白
痞予擬察看初皆以天寒辭後設法展被角點燭細視痞皆枯燥如石灰毫無

晶光舉家詢問順逆以息款已見囑另謀高人疏方霍山石斛沙參天冬生甘草蘆根青蒿荷花露野薔薇露滋氣液而透蘊邪張復延李君投人參白虎湯不應而危按虛人伏邪宣泄不效早佐甘潤邪或早日託出如宣泄燥溼氣液一傷必成敗症

昇昌虹口整容某姓戊戌四月患温病寒熱有汗不解傷寒科用鼓芩前桔等四方未應熱甚神昏譫語起卧牀下脈數糊滑苔白膩單黃昏朱用連翹知母菖蒲鬱金竹茹黑梔淡芩老竹黃益元散冬瓜子白方通蘆根鮮竹葉等熱勢不挫苔轉灰黑齟瓣如漿咳唾粉紅依然昏語用清宮湯葶莖湯知母枯黃芩花粉竹茹竹黃等一劑神清面紅亦斂目赤亦退舌上本自覺有物至此灰黑退而潤然汗疹並透痰白如絲甚韌帶血絲視燈猶炬肺胃之火尤熾用瀉白散葶莖湯加鮮生地麥冬青蛤玉泉散竹葉枇杷葉等出入加減數劑熱退痰稀而愈

陳姓滬北珊家園戊申秋伏暑身熱延邑專科治之謂爲夾陰以其新婚逆料肉欲必不節耳服藥不應繼延予診秋暑正酷暑窗櫺密關人眠棉褥之上人多氣蒸悶甚不可耐因曰卽此厚褥肩膈已足增病無疾之人尙不可耐遑問其他卽督令微啟旁窗并易關蓆其家中先入之說以夾陰爲慮迺譬之曰脈數苔黃熱起面赤口渴暑熱見證已確且探足不冷詢陽未縮非夾陰也乃疏青蒿鬱金通草連翹荷葉銀花黑梔竹茹滑石淡芩蘆根白殘花薏苡仁等起伏漸輕復診卽安按經云治諸熱病以飲之寒水乃刺之必寒衣之居此寒處身寒而止云云飲冷等固不可拘穢熱之衣宜換悶熱之處勿宜當時領會否則必致輕者重重者危矣

嚴君丙午八月廿八由滬南乘車在金利源碼頭車側跌傷左環跳骨遍足俱痛迨復乘別車回邀石曉山看治幸未脫骹卽用手術活絡其筋並扶立以驗骨縫合否商擬蹄尾牛膝寄生杜仲細生地乳沒地鱉蟲赤芍狗脊川芎桑枝

絲瓜絡桃仁服藥傷處痛未減足跗痛外用萆菜葱炒熨痛處廿九餐前服
峒丸半粒少時用晚膳畢覺凜寒惡心汗冷嘔痰兩大碗內有粉紅兼紫黑之
血瘀少許並無粒米及藥末嘔止汗定噫有如此痰涎而未跌中抑亦天幸當
日原方加琥珀末另沖晦日於廿入方中加黑大豆落得打酌定菜餚荀衣腐
衣青魚火腿胡桃初四石來傷處骨縫未聯伸縮要透如不動彈下去要麻木
當定雲苓杞子杜仲歸身山藥牛膝川斷蒺藜秦艽寄生舒筋草桑枝大生地
首烏狗脊出入爲方並用再造丸半粒酒服爲引嗣後腿足痠定輒痿無力加
入參芪阿膠大劑膏滋並食鹿筋將養三月行動如常以停頓數旬之恙傷藥
服之則不寐更甚且曾引用附子亦因不宜剔去中間足痿無力實照痿症擬
藥嗣逢節令傷處作痛傷膏未應懸擬四味入膏貼之而愈卽楓香脂虎骨乳
香沒藥註 嚴君時年五十六歲調補旣久後無足弱之患

黃宜亭虹口己酉秋先食冷物而卧形寒肢冷服西藥而寒戰氣升目赤腕痛

轉延中醫與柴胡之劑或用溫中之藥增自汗便秘足厥而冷來延初診脈滯不甚數苔黃舌縮詢係咽痛之故以豆卷青蒿滑石射干銀花通草菖蒲鬱金
噉嚙子荷花梗金鈴子金沸草玉樞丹等稍覺氣平形寒略解脘痛仍作覆診
去玉樞丹加更衣丸三錢先服外用萊菔子香附薄荷橘皮麩皮生薑食鹽同
炒布包隔衣熨脘閒據云脘中似有筋上撐則氣逆服藥用外熨法得便黑糞
寒退足暖安寐神卓惟氣逆未平咽痛猶甚是積去氣通而暑溼挾痰留戀用
連翹山梔知母竹茹竹葉旋覆淡芩紫苑兜鈴木通蘆根瓜萹竹瀝另菖蒲月
石鬱金研末先服嘔出痰涎甚多咽痛頓愈惟脈轉數苔轉黃口渴氣升更劇
用鮮石斛鮮竹茹連翹知母滑石黃芩花粉西瓜翠衣荷梗茅根黑梔菜豆衣
荷花露銀花露代茶渴喜冷飲逾於常度當時審諦毫無別證純由暑熱燔灼
逕用白虎加梔參葉花粉滑石連翹竹葉蘆根氣逆口渴陡定不數日脈靖身
涼此氣積痰溼遏伏暑熱之症證情夾雜用藥層次頗多其能照西法一病卽

覆冰取愈否明眼人自能辨之

王廷椿之室己亥五月中身熱無汗自服艾葉湯後延予診脈數苔厚而乾口渴澀紅而潤余用三仁湯去川朴加豆卷黑梔鬱金蘆根等熱勢起伏胸悶殊甚旋發疹痞略佐甘涼生津卽覺口膩惡心改用瀉心湯加減口渴不欲熱飲反喜水菓一若病機偏於熱重者然諺語雖劇苦措膩白單黃稔知中有痰飲轉用溫膽湯加竹黃竹瀝鬱金菖蒲雪羹等嘔出痰涎益許熱退神清不思冷物矣此暑溼挾痰之證其中渴飲喜涼之際最難支持者病人苦求其弟龔某欲覓西瓜解渴雖死不怨也設泥西法熱則握冰胸前覆冰能無僨事否溫病挾痰挾水挾氣挾食均多見識不清則難已病不可不審

觀滄子甲辰生時面紅多啼音啞屈兩旬卽有天痘及花痂退下口患雪口冰硼散搽之舌上有一塊不退數日舌中漸高女醫章王氏謂心火旺用犀黃丸服之亦不退查金鑑有舌菌而藥味霸烈不合嬰體卽合珠黃化毒丹搽服稍

平而微開嗣得囊秘喉書舌菌有方卽用犀角玳瑁血珀辰砂川貝乳香燈心
炭銀花茯神棗仁萊豆雄精鬱金研服外用茜草川連花粉白芷冰片末擦舌
菌調治旬餘而平

陳永芳之室虹口戊戌首夏身熱有汗面油胸悶異常口渴欲得冷物洩紅而
短脈糊敷舌苔指膩色白一醫泥其渴飲以爲溫熱用鮮石斛六錢鮮地石膏
稱是服之惡心吐出轉延余診決其中有溼濁停阻初進杏仁苡仁滑石通草
蔻仁竹茹知母半夏蘆根玉樞丹服之胸悶頓減熱勢起伏有時厥冷轉用香
豉山梔通草杏仁滑石連翹薏米半夏川朴野薔薇花蘇葉竹茹及鬱金菖蒲
末肢轉暖胸前發疹痞胸悶大退向之渴喜冷飲者轉喜熱飲稍溫卽拒且湧
吐冷涎喜卧向日暖處（前卧向陰僻處口說妄言）移榻時坐起卽厥目定
口噤肢冷診時齒震言蹇不清進半夏橘紅赤苓神白殭蠶遠志菖蒲鬱金淡
薑渣蔻仁薏仁膽星等瘕定冷涎略少腹悶連得矢氣進礞石滾痰丸得便病

減大半續與化痰理溼熱退而安此溼溫痰溼重者

賈姓孩滬北戊申春季腹滿如鼓起於瀉後不便而有寒熱診脈濡遲舌白按腹塊壘不平決爲瀉因寒止積阻不通疏方神麴查炭茯苓陳皮連翹萊菔子使君黑梔枳實大腹皮豆卷外用山梔仁皮硝萊菔子研同蛋白酒糟麴粉敷臍外用布紮投劑後熱退得汗得便而腹脹陡退

史某滬南丙午秋面浮足腫腹滿有形更加喘咳痰多屢治不應轉求予診脈濡帶澀苔白是氣窒絡瘀溼痺不宣擬方葶藶萊菔子蘇子冬瓜子皮旋覆半夏豬石橘皮絡新絳瓦楞子連皮苓大腹皮葱鬚陡吐狂血如紫黑塊甚多喘先停繼診通絡宣痺腫亦退腹寬面浮亦平腫脹因血阻窒有如此故治脹病不佗宜理氣也此症驟愈於數日之內卽病者亦意所不料

戴右滬北戊申春仲咳嗽氣逆壽醫初投清肅咳稍解因其帶多腰痠用杜仲牛膝杞芍之類旋加參朮是婦多氣腹脹故服之胃日鈍加以新感寒熱熱解

胃鈍腕脹就診於予并述不時鼻衄乾燥痰軌如生蝦有木火刑金之象氣滯
多噎而胃土亦病宜治其肝疏方香附金鈴八月札糯稻根黑梔旱蓮花粉石
斛萊菔纓青蛤散白芍甜杏仁蘆根枇杷葉等氣通噎爽覆開木蝴蝶噉櫛
白葉青蛤散紫豆衣地骨丹皮茅花扁金斛蘆根枇杷葉等而諸恙均減納食
勝前續定滋水清肝之法而安肝咳與外感嗽治法迥異（張伯龍雪雅堂醫
案頗備）此宗其意以見一斑

張姓滬南新泰陶業向在順全隆洋行肝木素旺丙午冬以冬令滋補卽服發
行之高古粉及艾羅治肺藥水漸覺胃中灼熱藥仍不停且喜西酒炙博習爲
常事丁未正月廿五天暄仍披重裘飲酒食鍋麪并入暈堂洗浴遂吐血盈口
而來自服三七藕節等不止談三屬使延診脈洪數右盛苔黃火升氣逆癢咳
咽痛面赤胸悶是胃蘊熱毒復感溫邪疏方連翹黃芩生地犀角黑梔石斛茜
草鬱金竹茹花粉旋覆代赭蘆根十灰丸服後氣平血大滅火猶上升耳聞轟

灼面赤足冷尙防湧溢復診用黃芩石斛青蛤百合丹皮黑梔蒲黃元精石旱
蓮元參枇杷葉蘆根十灰丸痰血亦止熱從下洩便灼澀赤額赤雖退鼻灼睛
白時紅咽癢頻咳右關尺仍洪十二日診用石斛黃芩象川貝冬瓜子竹茹沙
參知母玉泉散女貞旱蓮枇杷葉各症循減余遷居至北市渠延同業江君因
其便泄不知府熱未清漫道清藥之累逕用理中四神泡薑吳萸雜以溫澀如
是者約半年洩終不止至戊申正月火升灼熱舌絳光剝喉赤如焚大熱連宵
而卒深可惜也

吳善卿公和來每春患吐血乙巳冬在咸康先兩日陽升頭疼喜喫辣醬冬至
隔夜先咳後全紅約虛許神情疲軟試血下水浮可見熱傷肺胃之絡用鮮地
竹茹青蛤散知母茜草三七當歸炭蘆根藕節十灰丸冬至日寅卯之交復覺
氣逆胸悶漉漉純紅余思辛辣傷胃善怒肝旺用甘露飲去熟地加丹皮炭元
精石白茅根童便服後血止痰中夾者亦淡與南沙參黃芩石斛知母百合心

當歸炭丹戾炭茅蘆根清熱養陰口旁發熱瘡便帶黑色蘊熱外洩矣此症氣逆是肝火且適冬至陽升也

林姓兒庚子產時適值臘月約一點許胞衣不下收生者屢用手術不應勢甚危急余診此念本有效方然開方購藥水煎鄉邨更緩不濟急憶及肘后有方用蓖麻子十四粒去殼研塗足心之法卽購搗如法用之立時便下不勞佛手失笑散方惟胞下速宜拭去藥物否則腸下一方本藥研塗頂心可攝腸令上則未試

周元輔茂昌成己酉年巳花甲不能絕欲向有寒咳腰部作痛每服填補十一月因火警夜飲感冒多服薑湯陽升微寒熱退後不便胃呆且更不寐脈弦洪舌紅苔白初用半夏秫米及溫膽加減更衣丸等服後得便不暢仍然少寐述及素有此症是降濁取效若然前方應更效詢便仍未暢診脈弦洪有加決其驚則氣亂肝陽心火交亢開眞珠母白芍辰茯神煨龍齒竹茹預知子

蛤殼淮麥金器及琥珀多寐丸服二劑大爲安寐右足又疼更予牡蠣蛤殼貝齒狗脊牛膝川斷草解千年健橘絡澤瀉并令貼寶珍膏痛定爲定丸方逢寒則咳伏寒襲肺腰痛與腎氣不足脈弦少沖和苔中微剝痰濁有餘於上肝腎不足於下通盤細籌宜爲兼顧麋茸首烏萸肉歸身沙苑人參於朮茯苓橘紅玉竹杜仲狗脊兔絲故紙五味紫石英紫苑百部蛤粉澤瀉用阿膠霞天膠溶化爲丸空腹服之頗宜

陳席珍位中堂董素體液虧無苔花甲之年倒帳折閱鬱氣不舒肝失調暢丙午夏溫病身熱有汗不解舌紅而絳余一診卽疏清散且顧胃津如連翹黑梔竹茹花粉鬱金桔梗知母石斛竹葉蘆根之屬溫邪鬱火交蒸病勢不衰陳素信此方云係花甲之外元陽大虧若再投涼劑必致生機驟絕此示附子理中湯首味高麗參泡薑附子均重用幸陳未服至三候遍發黑紫班始顯溫熱明證熱戀陰傷舌至絳紫而乾幸任君依德（後任上海警署總務長）同意大

劑化班清氣營繼以甘涼頻投至四候熱退淨而愈信乩方者從此打消然亦
險矣故治病最虞有人中傷若假神妄評更爲陰刻也
袁培榮甬人咸康顏業丙午春來診院悶鼻塞便約脈弦數苔白詢知煩惱則
易動肝亦多思慮以四七氣湯加鬱金川貝母蛤殼石菖蒲麻仁冬葵子等各
症均減余勸其勿煩惱以防動肝勿思慮以礙脾運爲定丸方服於飯後如參
朮茯苓益智橘皮扁豆蒺藜川貝香附梅萼合歡預知砂仁石斛胡麻柏子菖
蒲研玫瑰花打漿丸是暢脾疏肝之品也

任品衡木業其室患崩者屢經或一月兩汛丙午秋以車上跌傷足踝遂至杖
而後行診脈虛弦苔薄白白以骺脫足廢惟欲調經耳余謂絡虛亦常蹇而無
力擬膏方予之卽服一料棄杖而步毫無足疾之象其膏方如下黨參繇著於
朮茯苓山藥藕豆花玉竹首烏龍骨柏子赤石脂牛角鯁黃絲棉烏鱧骨淮小
麥綠萼梅合歡皮杜仲川斷川牛膝木瓜歸身白芍狗脊寄生絡石藤香附等

用阿膠龜版膠天膠三種收膠

胡養泉木業嗜煙好色辛丑春仲始因身熱得汗熱減不寐延診脈弦數舌光
乾焦述知苔光前曾以霍斛治愈此次因納妄逃走氣悶不寐盜汗口苦而臭
先清鬱氣蘊熱如化肝煎葦莖湯之意口苦臭減轉用霍斛西洋參麥冬玳瑁
決明蛤粉丹皮炒棗仁柏子塊辰砂夜交藤秫米另珠粉川貝末略寐舌潤然
心怯頻仍動則氣逆轟熱後審其病因動肝肝火升騰用桑葉丹皮羚羊麥冬
黑梔川貝竹茹柏子金器等轟熱大退寐得大酣且心怯亦定嗣後胃氣又作
用化肝煎金鈴子木樨子木蝴蝶磨香附鬱金卽效詳察此案不寐治心不應
治肝卽驗可戒服西藥籠統以治

嚴君己酉五十九歲十月望背寒腹痛便痢後重腹中疴痛初下殷紅挾積翌
日少腹痛覺轟熱純係鮮血口渴少寐小溲赤痛脈左弦右大無倫是心營素
虧伏熱內襲血痢重症用銀花炭白頭翁黃柏炭白芍查炭益元散焦秫米扁

豆花茉莉花側柏炭槐花香連丸蘿蔔汁送下十八猶有轟熱迫注小溲色紅
血痢日夜百餘次連宵失眠脈弦右大又疏涼血清伏熱槐花鮮生地白頭翁
銀花秦皮丹皮芩白芍金鈴黑梔側柏扁豆花百草霜阿膠梅連丸服後痢之
紅色較淡肛口之熱較輕然痢下如漏肛脫不收陽不藏而欲升指振自汗溲
赤少寐伏熱未清陰虛陽升氣不收斂十九方西洋參茯神白頭翁秦皮金鈴
赤白芍扁豆花銀花槐花真石蓮荷蒂阿膠梅連丸服後血痢雖減而血少風
翔腹中有聲顴紅火升沈迷不欲言卽守原方廿一日指搐神煩已定足亦溫
寐少安尻痠氣滯口氣尙穢與周仲尊商進養胃陰清伏熱西洋參白芍當歸
川石斛萊菔子枳榔銀花扁豆花地榆槐花廿二加扶神棗仁至廿四日上午
氣升顴紅面赤又作肛熱作痛按腹灼熱仍用十九方意直至廿八日一夜十
餘次紅少便糞多有虛坐努責肛脫寐遺進攝脾固腎白芍歸身炭兔絲餅川
斷石蓮炒鬆麥冬山萸肉杞子扁豆花煨木香荷蒂并食猪肚湯薺菜廿九下

午痢止轉瀉黃沫未化菜食似爲中寒食不消之象是養血扶正虛陽漸斂脈轉沈細氣虛見徵轉與薛君文元酌用黨參於朮益智扁豆木香炙草新會皮玫瑰花杞子白芍葛根赤石脂等脈漸振便溏僅二次最後潘君德孚擬運脾和肝小劑白芍香櫟皮茯苓大腹皮焦穀芽佛手花之類胃旺便堅日就康復矣 此證以望六高年血痢百餘次陽升肢振神糊可爲險阨幸伏熱清轉瀉之機耳

祝君蘭舫戊戌夏爲錢業謠傳大有出入以是心懷悶鬱數夜不寐億甚時適侍診按脈弦急左甚苔薄白詢知確因氣而陽升不甯頭覺脹痛疏方辰麥冬雲茯神塊辰砂百合心大生地夜交藤珍珠母左牡蠣杭白芍炒棗仁天麻磁石秫米等而以金器一件蓮子青心三十先煎爲引服後熟寐十時許形神大卓頗蒙稱驗

華伯範東亭己亥診其室寒熱如瘧午後則發暮汗氣穢至今二月已經半年惜分陰軒醫案

脈滑舌膩厚指是先前未藥伏邪留戀爲開祛邪搜絡青蒿柴胡桂枝石膏半
夏陳皮茯苓苡仁知母竹茹另霜桑葉一錢半元米湯炒研末卧前服又開驚
甲煎丸九粒清晨空心服三劑寒熱輕減汗少轉方去驚甲煎丸原方增入半
貝丸三錢寒熱循止

徐女甬人辛丑夏當臍作痛勢上衝年餘不愈脈濡沈苔白與沈香曲川朴薤
仁烏藥木香使君查炭萊菔子大腹皮路路通另左金丸五分空心服瀉下尺
餘長蟲一條腹痛遽定此一劑卽效者

袁挺之室戊戌因肝氣挾飲中脘有形攻撐嘔吐卧則自覺有聲漉漉口膩甜
胃納少脈弦而濡苔膩審前方注王諸君亦曾消塊以水不應是脾虛停飲之
症用於朮雲苓澤瀉橘皮砂仁半夏乾薑苡仁佩蘭伏龍肝等戒其少飲茶水
因知其寐醒卽飲也服此頗宜嗣食油膩又嘔冷酸轉用白朮泡薑枳實椒目
雅連吳萸橘紅半夏茯苓竹茹等另擬沈香黑丑玉樞丹研細末先服得吐冷

水甚多然知其毫不節食舉凡傷脾助飲之物甘之如飴已成驕恣不論於理
不可毋治迺衰係外戚不喻其意更求方予六君加五苓及外臺廣濟栝榔散
加減爲華撥板尖大戟黑丑牙皂明礬等研末王姓以爲寒痕末藥勿服遂往
蘇費子助診云血不養肝肝火犯肺尅脾腹鳴作脹宜柔肝肅肺脾藥沙參瓜
萸鬱金貝母茯苓車前蒺藜苡仁青陳皮沈香麴石決明半夏十帖不合就曹
君診開旋覆代赭湯而予盪返滬寓矣嗣聞面浮足腫日就淹篤以致不起

宣君之內姨過某之姊早失怙恃就養戚家素有肝氣發則脘腹痛脹滿攻撐
食入阻塞脈弦右濡乃肝木乘於中州擬香附麩炒枳殼金鈴砂仁木瓜皮陳
皮蘇嚙子香櫟皮白芍二劑定惟滿腹小痛火升顙紅加丹皮蒺藜牡蠣火升
滅心悸震躍時轟灼肝陽擾攘宜予鎮潛白芍牡蠣蛤殼阿膠桑葉丹皮麥冬
棗仁珍珠母等服之相應輟藥數日又起寒熱滿腹轟灼耳後脹疼脈弦左甚
實非外感仍是肝木鬱勃開道遙散去白朮姜加鉤勾殭蠶烏梅橄欖膏出入

爲方服之熱止耳後脹痛如失

過爲孤女就養於宣外閒有指摘其病較

師尼寡婦難治節錄一二以概其餘

大賦寒熱難辨且對寒熱辨法其

周舜卿君戊戌秋患伏暑溼微熱甚同邑李君以爲鬱火用鮮斛鮮地等余
診其脈洪大舌苔由黃而焦始肢寒惡熱口渴痰灰黑因擬白虎加減以折炎
炎之勢是日羣賢畢集方論龐雜惟張笠臣廣文知醫獨趨予方柰其家人莫
知所從最後西醫用檻檬水而愈其故可思我國中醫各守家法言人人殊爲
治症之大訾此非創醫校齊其學說不爲功

而致風日愈論以疑不疑

蔣顯之己亥正月招視尊堂述知素有角弓反張甚至不省俗名老鷹痧實則
肝風鳴張爲瘕厥此症外且凜熱十年自以爲骨蒸實則骨蒸難延乃肝火耳
平素肝氣旺盛去年秋曾吐血至今腦底復嘔血凝聚如硃實肝血血止後又
因氣忿脘腹脹滿至不可按肢楚少寐膽怯脈之虛弦少神舌乾有裂紋矧肝
血一吐肝愈少養虛肝之氣入絡是以作痛然昏暈自汗恐其生變擬鹽水燉

牡蠣茯神麥冬潼沙苑木瓜皮四製香附烏梅肉西洋參另煎吉林參鬚沖服
麻少安腕腹不可按之痛已退虛肝之氣可信矣然胃鈍左頰紅虛陽不斂加
三甲阿膠之類戒以必須調理滋養或可延否則肝動復吐必至不起嗣予往
申期迫後未與聞

袁女己亥喉痧之後寐汗噎乾詢知喉痧重時表藥甚重此表疏氣陰虧耗子
沙參石斛麥冬女貞生山藥棗仁牡蠣淮小麥蓮子心等服之喉潤汗少轉用
芪皮生白芍棗仁牡蠣柏子女貞料豆小麥蓮子心烏梅紅棗三診汗仍不止
多夢神煩因憶靈胎批葉案有云盜汗以涼心爲主因宗其意用辰麥冬炒棗
仁辰茯神女貞淮麥地骨皮白芍蓮子青心牡蠣龍齒生地硃砂安神丸三錢
另用五倍子末乳汁調塗臍中膏藥掩一劑卽無汗矣

陸頌和滬北其岳年已花甲寐汗淋漓多醫不效脈細軟逕投桂枝龍骨牡蠣
湯三劑而瘳

吳雲伯怡和德生輪弟榮昌己亥初夏寒熱中脘有形痰多嘔水卧則有聲胸悶舌膩微咳面油洩黃便閉已有人開沙參石斛等予察其形痰溼爲重開三仁湯出入另太乙丹芎藭鬱金末服後寐略寧熱自晡發頭面背足發出紅痢（此人溼甚本有疥癬）胸前甚少詢其中脘或有形上衝則痰涌嘔水或汨汨作聲熱起之時胸悶氣逆良是痰飲內蓄樞機不宣復用豆卷青蒿連翹鼠粘茯苓芩半夏瓜蒌菖蒲雞蘇散風化硝明礬水磨鬱金彼因不便自服麻仁丸得便下午仍熱懊煩至子夜方退熱時乾嘔痰多苔較前膩邊絳是恣食水菓助溼方開宋半夏陳皮赤猪苓杏仁淡芩碧玉散竹茹菖蒲木通茯苓芩另味陳膽星雄精金礞石牙皂研細竹瀝滴薑汁調服令服於發熱之前如作嘔勿慌服後嘔出痰涎甚多熱大輕減而頭面背腹疥癬未隱大勢漸平令服清氣化痰以滌餘蘊而愈

周養蓀茂才盪波年四十餘己亥五月就診半月不寐子夜三句略得眠亦不

耐近數日中左腹有氣上衝按之不止衝至胸方散頓覺周身牽引不舒脈之三部皆洪大此衝氣不納肝木甚亢心腎因而不交爲開金鈴鹽水炒香附丹皮山梔硃茯神炒棗仁龜甲心五味磁石牡蠣珍珠母生地金器服之左腹上衝之氣大定惟雖得早寐不能甚耐前方去金鈴香附磁石山梔加入川連大麥冬夜交藤焦朮米竹瀝半夏服之卽能耐寐按西法治不寐如安神藥水等人人可服治法簡單亦不具應中法有安神潛肝歸脾降胃清肺攝腎之不同治病必求其本洵不易也

陳省三母許君研農之叔岳戊戌秋曾經咯血止後咳則常戀痰腥而濃己亥三月九日因氣忿復吐血成碗研農治以清瘀平肝而暫止復發則愈甚每至氣升則嗽血並來喉間轟熱望晚手足曾微瘳十六血吐愈多心躍怕煩掌中汗出舌指並有震意迨暮許君邀往診視述知過翰起以爲肺血用鮮生地等王君子柳知其爲肝血用元精石龍牡龜甲心等余亦以爲肝血衆不信使以

水驗血之浮沈則沈著於下吐在腳鑪之血凝積濃厚赤而且多症勢危甚脈
弦急不斂舌紅苔少勉用淡秋石醋炒當歸炭青蛤散乳汁磨沈香丹皮元精
石女貞子旱蓮草鹽水煨牡蠣等翌晨許子來云服藥血未大吐但痰中尚帶
血絲復診脈較靜心躍怕煩手震皆減嗽略少尙有頭暈火升因謂之曰血去
甚多復元甚難首宜戒忿復發難瘳藥宜滋潛爲主阿膠冬蟲夏草杞子白芍
青鉛牛膝炭麥冬山藥女貞旱蓮牡蠣另八仙長壽丸湯下存其戚陶君孝箴
來診謂轟熱是熱勢起伏開川連鬱金山梔茅根等味以血爲肺胃所出者省
三以某方有效在前未服其方噫血已驗症已輕而猶持異議足爲寒心三診
血已全止諸證均退惟起坐頭暈口燥作麻下午火升（孝箴之所謂起伏者
）予謂血與嗽皆肝火衝激而來故藥用鎮潛而效今仍宜鎮潛養陰以防復
吐前方增損屬延王君調理子過往申寓聞延至翌年而効
洪慎其木業皖人己亥五月先則胃鈍足軟便溲先黑後黃滯而不爽以理溼

調氣之劑溼熱一開轉而寒熱胸悶脈濡數苔白膩小溲不通開鬱金桔梗雞
蘇散黃芩知母連翹苡仁木通青蒿蘆根猪赤苓廣霍香玉樞丹等服藥小溲
已通便仍色黑惡心遍布紅疹開杏仁苡仁竹茹滑石通草黃芩赤猪苓銀花
炭荷葉鬱金野薔薇花服之便溏循止熱不起胸悶亦退脈靜惟口微膩苔黃
疹未隱肛門腫赤溼熱下溜大府用苡米澤瀉赤猪苓碧玉散槐花知母黃柏
炭金鈴子木耳炭另開槐角苦參龍膽草風化硝煎薰肛門腫痛退按之有如
指大而硬煎方增損原方另開槐角茜草龍膽胡黃連研末囑以蚌水調塗不
藥而瘳

馮姓甬人四十餘嗜煙吞泡而不吸不知傷精耗血更烈己亥端月延診素有
胃氣茲則有氣上衝至胸脘牽引背脊痛楚萬狀日必數發發則心中懊懣腹
中有形大便因氣衝而不通利寐亦不安曰衝氣也開金鈴子玄胡索鹽水炒
香附淡吳萸沈香片炒白芍炙烏梅噉嚼寸赭石金沸草瓦楞子另上豸桂飯

丸服之氣平而定

徐姓己亥巧月胃痛引及背脊大便不通脈弦苔白擬丁香蔻仁沈香黑丑噤嚙子半夏括蕞薤白枳實茯苓烏藥川朴一劑便暢諸痛皆止

榮右鄉人已亥臘月產時胞衣不下逆迫氣滯血凝迨胞衣下腹痛惡露不多且陰腫墜如茄痛楚異常用歸尾赤芍靈脂蒲黃山查香附川芎丹參桃仁益母草惡露雖有依然不多陰腫加熱似欲作膿前方加乳香蓬朮炙甲片路路通服後行出惡露如墨成塊而下外腫不藥而消當其重時寢饋不安鄉嫗疑是祟欲卜之巫覡喻以症雖少聞實瘀阻所致通瘀果應

壽姓壬寅八月上澣身熱初七日腹痛下痢初九痢轉紅膩初十自服煙灰湯十一亦如之馴至溺秘少腹作脹而痛脈濡數舌紅苔黃用滑石紅麴荷葉連皮枳查炭通草猪苓澤瀉車前木香枳榔丸另用土狗卽螻蛄炙研末服仍無溺後用蒜肉梔子黃食鹽三味搗爛貼臍至十二句子夜溺方通十二脈數身

熱痢轉白腹痛減病機有轉輕之微用黃芩通草滑石炒紅麩烏藥枳實枳榔
建糶查炭赤白苓廣皮木香豆卷香連丸十三熱未重舌苔轉黃而痢雖漸減
溲仍少日僅一次原方加青蒿竹茹十四熱仍未清脈數苔黃質紅痢輕日稀
帶溏唇絳口渴用青蒿木通半夏雞蘇散黃芩澤瀉銀花炭查炭建糶白頭翁
香連丸十五有時胸悶腹痛則利白水有時腸鳴爲清氣不升溼積未楚開青
蒿銀花炭煨葛根木香桔梗大腹查炭二苓澤瀉生苡仁車前子建糶等三日
未利胃未旺續用健胃理溼而瘳

林氏兒辛丑臘月十一身熱頻咳十二仍熱十四背見痧點眉間亦紅十五面
佈點投象貝牛蒡桔梗薄荷南查枇杷葉桑葉當時有人欲用西河柳因已發
出止之十六日紅不喜視物便溏加建糶當晚熱忽退然足上未透十七用象
貝冬瓜子光杏仁山梔新會白牛蒡枇杷和葉當晚果然身熱霰上方在發透十
八因痧已透只理嗽如杏仁桑葉瓜瓣象貝枇杷葉翌日背面先回頭面漸隱

囑痧後忌食雞蝦五辛炙博醋椒糖霜雷鹽芋蛋梅櫻諸物以防餘熱留戀發
生別症

榮右鄉人嗜冷物生水有停飲症壬寅八月既望在滬南半夜吐瀉嚼生芋不
辣生礬不澀卧龍丹嗅之噓不多有冷涕兼施刮背微針虎口臂灣膝彎委中
胸腹吐瀉漸定診其脈兩手指已癢下脈細沈不起舌紅苔白是霍亂重症用
廣藿香橘皮吳萸川連半夏木瓜皮佛手苡仁蠶砂絲瓜絡伏龍肝生荷葉服
後痛定瀉稀左足轉筋以燒酒浸艾葉及青布蘸醋搽之筋轉定轉寒熱邪欲
外達開桑葉苡仁陳皮半夏藿香蔻仁豆卷絲瓜絡蠶沙黃芩滑石萊菔縷吐
瀉全止微微惡心鼻熱腿灼去蔻仁橘半加竹茹連翹蘆根腹中尚有攻築便
溏色醬是伏熱未清每餐以鮮蘿蔔素煮食之十八覺心體欲食以焦鍋巴煮
融少佐蘿蔔食之忌口月餘惟令以豆腐衣薺菜筍衣山東掛麩冬瓜萱花百
葉冬菜爲餚勿藥而安

陳警滬北消防隊辛亥患腳氣失治加嘔氣逆上衝來診脈弦緊苔白面黑黯胸悶呻吟當以衝心險症曉喻利害擬半夏蘇葉吳萸橘皮葉川朴枳殼木瓜枳殼生薑黑丑沈香金鈴炭玄胡等連投便瀉冷水盈盆氣平嘔止卽囑告假回籍轉換水土按滬濱地溼感則害人皮肉筋脈溼鬱氣痺每成斯恙外省僑寓不甚隄防余承乏警署醫治三年習知湘皖之人六淫所感溫病不難治卽霍亂亦寒多而伏熱少惟浦東江灣分署地形低窪長警草屨貫水服務急卸不諳解散冷溼由肌竅吸入多成此症又有商業青年患此更爲惘然滬南廣生錢莊賬房某姓因足腫轉喘嗽而死卽此恙也

袁姓紹興住南德安病經一年五心潮熱寅卯盜汗足跗轟熱他醫直用清骨散玉屏風當歸六黃湯熱微解盜汗胃鈍更醫用砂仁生薑溫中加病口渴唇碎丙午秋月戚季渠之母屬延診脈弦勁舌紅苔黃疏清肝養胃兼化伏熱稻根石斛地骨黑梔知母連翹鬱金棗豆衣花粉萊菔纓蓮子青心茅根外以玉

鑰匙搽口碎荷花青蒿露代茶服後渴解便潤覆診用淮小麥功勞花粉稽豆
衣青蒿白微菜豆衣扁豆衣生穀芽蓮子青心鮮藕等服之熱漸淡胃漸馨三
診蘊熱大退脈弦未柔且寐汗未止用牡蠣決明麥冬龍齒霞天麴兔絲餅山
藥玉竹扁豆穀芽蓮子青心外用五倍子末人乳塗臍膏貼熱全止汗全退胃
納照常無餘病矣然脈弦未柔病已經年當予調理膏方如西洋參天麥冬玉
竹石斛茯神川貝兔絲首烏生地歸身白芍綠萼梅合歡皮香附玫瑰花淮小
麥稽豆棗仁龍齒牡蠣鱉甲磁石決明牛膝元參旱蓮南燭子阿膠龜版膠收
膏服之

季弟廷鑑癸卯十九歲歷來熱天則腹脹足瘦脹墜類乎腳氣七月初九寒熱
面浮油赤無汗胸悶洩赤不行面色萎痺身痛神糊王醫診爲暑溼用三仁湯
加歧樞之類僅二日卽退洩赤手足萎頓無力王醫復謂暑從陽明出入最易
被其蹂躪擬南沙參白朮新會皮秦艸川貝竹茹茯苓苡仁鬱金桑枝佩蘭服

數劑手足仍痿時鄧君幹慶在滬診爲熱退肢軟症僅八日脈數苔膩溲短赤陰虛溼甚用猪苓湯加減取其淡滲而不傷陰數劑未應十八雇輿回家余初診脈左數右濡苔膩白溲赤澄腳便不解者旬日臂麻足脹坐起則眩溼熱流竄經絡陽明積滯未清用竹茹茯苓通草青木香萆薢知母海藻海桐皮橘葉絲瓜絡忍冬藤生薏仁桑枝小溫中丸三劑服後兩足覺癢手指能伸溲仍黃溷便解未爽復用竹茹茯苓澤瀉獨活萆薢海桐皮知母橘葉苡仁烏藥竹瀝達痰丸日閒服至夜十一句腹痛大便先乾後溇色黑中有虬蟲一條廿四原方去達痰丸廿五略可久坐手仍麻足脹捏之則痛小溲半月內油赤澄腳今色淡仍溷熱稍減溼留戀不易底澈疏生於朮茯苓皮橘白絡苡仁萆薢木瓜車前防己茵陳獨活白茄根桑枝廿八手不能捏右手更甚足伸痿痛右足更甚述寒熱前拊身不仁寒熱時腰下重著現狀垂地則足腫溲猶帶溷決爲溼熱粘膩之邪蘊蓄四末前方去獨活地骨加秦艸川斷嗣因有人云其陽明絡

虛風陽阻絡來用天冬玉竹杞子女貞生地之類清潤育陰辨之不已逕煎服之足癢不作惡心嗜卧形寒身熱溲少腹痛仍用宣絡理溼兼解痰濁豆卷青蒿竹茹鬱金佩蘭橘皮秦艽萊菔子殭蠶苡仁桑枝萆薢通草野薷薇花等服後嘔酸涎鍾許漸覺清爽然熱仍戀腸鳴溲赤仍原方出入脘悶又吐酸涎挑之極靛直至八月二十日熱退口膩飢則耳鳴牙宣腸鳴溲溷足痿仍然按脈左關弦尺弱右寸關數尺弱澀是肝胃有熱脾虛有溼腎氣不堅疏方於朮玉竹石斛白茯苓橘白絡苡仁萆薢丹皮白芍川斷狗脊另用鮮牛肉十二兩酒洗瓶封乾蒸取汁日服藥進七帖胃納照常脈右關滑尺稍有力左寸關弦尺猶澀弱體倦手震水虧肝旺氣虛血弱之徵是時溼濁將清卽定於朮玉竹天冬當歸白芍杜仲牛膝茯苓杞子石斛橘絡狗脊苡仁甘菊五劑加黃芪黨參又五服胃納甚旺稍能起立右足尙軟膝部痠痛交寅少寐還是氣管不足水虧絡澀原方加味爲首烏歸身白芍牛膝杞子天麻遠志棗仁麥冬黨參黃芪

於朮金剛丸五劑易虎潛丸又五服十月望日稍能扶掖以行初立猶痛立久
微腫稍能酣眠寐醒仍早前方去麥冬牛膝加五加皮千年健苡仁十五帖漸
可步行惟尚少力多立脹浮膚布痲癩易擬黨參生芪防風於朮秦芎狗脊萆
薢苡仁首烏當歸白芍雞血藤杜仲牛膝十帖行走自如尚無久力卽定膏方
治本顧標通盤並籌如黃芪人參白朮玉竹茯苓橘紅首烏全當歸白芍丹皮
兔絲雞血藤天麻蒺藜遠志棗仁牡蠣山萸五加皮萆薢秦芎杜仲川斷牛膝
苡仁用阿膠虎骨膠收膏煎成外出就業七年足力勝常庚戌九月因染疫蘊
毒頸項癰瘡嚴命外瘍未習可勿預聞爲古稀老醫金協堂開刀時令服人參
一月當時膿尙多服參後膿結不出又不用藥綫遂致胸膈漫腫毒內攻東西
醫並診不應而逝至爲悼惜

陳左工業甬人丁未秋患脇痛按之有聲大似飲邪脈弦左澀氣痺絡瘀之徵
當用旋覆茯苓橘絡新絳玄胡當歸鬚赤芍麩炒枳殼生香附路路通青葱管

遂便瘀血甚多脇痛大減覆診細詢之亦並未外傷病成於不自覺云原方增損而痊

王子珊滬南丙午夏杪凜寒熱不甚無汗脈濡苔白就他醫服梔豉香薷滑蘇等劑纖毫無汗而形寒可絛絨衫余用浮萍薄荷蒼朮蘇葉蔥薑大劑使其避風煎沸浴之覆薄衾而卧遍身汗出凜寒遂解此人實體故可用此虛者薰足覆衣取汗

胡養泉木業辛丑某月氣鬱生熱益以感邪身熱有汗胸悶溺赤便秘數日一行以嗜煙多妾體實陰虛脈弦苔剝用青蒿豆卷鬱金杏仁滑石通草淡芩竹葉更衣丸得便帶血熱熾寐則手足動搖唇口亦震遇事易怒脈左弦數肝火化風游行不息用羚羊丹皮山梔青蒿決明牡蠣鉤勾殭蠶黛蛤散甘菊鬱金蘆根服後灼熱大退肢唇之振動亦定惟寐不甚酣氣悶痰粘脈右寸滑數決爲痰熱留戀開清金平木意黛蛤沙參川貝杏仁麥冬枇杷葉雪羹煎服愈然

一病則動肝根蒂不堅可知越年許喉癰瘵熱形神尪羸清和月辭不往延至
中秋告亡蓋知瘵疾可延難治富家可以遍請名醫迨後角里賴陳諸家均治
廢去重聘而終至綿憊

倪右辛丑秋月凜寒身熱口苦痰黑綿延數日眾謂虛勞脈濡數舌苔膩用宣
溼滌痰三仁湯加減雪羹湯代水另用白金丸少許蘿蔔汁溫送向之苔指卽
化而身熱循止越旬日頭眩帶多來診以清熱固本法愈

周肇甫頭壩昇昌其室肝氣素盛己亥秋月身熱嘔吐頭疼肝氣攻注雖髮際
亦所必至腹滿便秘脈弦舌紅苔黃乃伏暑挾肝氣化風上竄兼有宿滯桑葉
丹皮甘菊連翹苡仁碧玉散通草鬱金青蒿荷梗絲瓜絡左金丸一劑汗解熱
減原方加減去左金加當歸龍薈丸遂得暢便氣攻陡定

陳佐工業己亥秋外吸暑熱歸食西瓜乾飯腹痛便利脹滯後重身有灼熱按
腹有形詢知因痛曾飲砂糖燒酒進青蒿滑石通草豬苓廣藶六絀荷葉板榔

查炭豆卷枳實等熱減痢爽惟腹痛拒按審其食積爲重逕加生軍三錢腹中
攻響痛止積行一夜不利翌晨遽解乾矢甚多三診腹中似尙有塊再進磨滯
清理而退此實體可攻且一攻卽定

榮秉之三令媛幼因聞受聘天之靈信每每寡歡辛丑春月忽頭眩欲仆手足
冷耳鳴心悸轟熱以爲肝鬱所釀用天麻蒺藜蛤殼牡蠣磁石甘菊茯神桑葉
丹皮龍齒合歡皮白芍川貝等諸症均減因鬱悶不解氣機不暢用老蘇梗鬱
金木蝴蝶綠萼梅蒺藜橘葉絡茯神遠志丹皮鬱悶循解惟轟熱屢用初方未
應繼審肝脈甚駛加羚羊大減此憂鬱而成肝病仍以清木火而驗

胡養泉妾倡也嗜煙肝旺素有痰紅壬寅產後患風水腫脹余按脈浮濡審因
早浴而起以五皮飲加麻黃杏仁等驟退不事調理善後反而不知節食與女
伴一品香西餐芥辣雞香冰酒恣食無忌越數日腫復發來診有微詞審知其
情切責之其亦媿服調治漸退夏令患凜熱煩悶口渴嘔吐泄利醫初用崇土

於朮等品氣悶殊甚泄利不退脈之滑數在右弦象居左是伏熱未宣肝木有
乘上之象先用滑石藿香鬱金通草豆卷青蒿黑梔桔梗苡仁黃芩等以解伏
邪太乙丹以泄水服之熱泄並減而痰多惡心食之則脹水菓亦仍不節輟藥
半月後來延診右滑減左脈弦肝強脾弱疏於朮土炒廣皮土炒白芍烏梅炭
木瓜皮白蒺藜神朮苡仁煨木香等脹退納馨而痊素有掌熱亦淡此斂肝之
效

鮑春榮滬南丙午因其妻夕事實氣填胸腹脹如鼓來診脈弦急面青舌白探
其腹有筋綻詢悉不過五日諄勸曠懷爲主方可取效開半夏厚朴茯苓蘇梗
金鈴玄胡橘葉絡香附青陳皮大腹皮木蝴蝶丹皮路路通葱鬚小温中丸五
劑大消續予調理亦不復發

倪幼滬北戊戌患春温五日熱熾汗多懊悶少寐熱以暮盛咳嗽口渴倪君銘
三初用銀翹散出入未應延余診脈洪大便秘溺赤温邪甚重因疏鮮薄荷玉

泉散黑梔知母連翹鬱金銀花鼠粘光杏仁冬瓜子蘆茅根等服之熱退身和
倪君以爲膽大然白虎應用三證俱備不嫌其早熱後癍塊略動以和中宣氣
卽愈

張永記粵籍漆作己亥夏月下痢不止粵醫用溫澀罔效其同鄉林君屬延診
脈濡遲苔滑白詳審積因迺食廣蔗及冷粥之故卽疏川朴蒼朮茯苓陳皮查
炭木香薑渣烏藥紅麴導滯丸等積下痢減繼而肛脫不收外用槐花升麻黃
柏防風蓮蓬殼生礬煎水洗之亦卽如常

吳蔭森電車檢查戊申夏仲其妻小產後血下如崩延診頭汗面灰白脈微舌
淡白症情頗險恐有下脫之慮予方吉林參歸身炭白芍黃芪側柏炭龍骨牡
蠣牛角鯁淮麥等一劑汗止血下淋漓續用震靈丹等調攝而愈

王體山頭壩盈記己酉首夏寒溼內襲面黃足腫冷麻滯墜無力脈濡苔白疏
雞鳴散二妙丸等并令以杉木屑蠶砂艾葉葱鬚煎水洗足足覺流汗脹亦旋

鬆是溼寒行而絡隧漸通惟舉步輒綽不耐久行擬宜溼寒與脾土生絡力通痺阻爲法野朮茯苓苓陳皮苡米木香當歸牛膝杜仲川斷松節狗脊五加皮防己巴戟千年健萆薢鹿啣草稀簽桑枝絡石藤研末用雞血藤膠溶化半夏糲煮糊爲丸一料愈

黃韻笙鼎泰北貨業甲辰患風痧時病之後兩足痿軟無力以商業事繁煎方不便來求長方脈大小和苔薄白經云風善行而數變良由五行之中風性最速內應肝木肝木主筋風痧內竄流走筋絡以致足脛痿軟乏力然苟非精血不足風陽何能入裏詢知春夏陽升之候每患遺泄此內耗之一神倦呵欠氣分亦形不足願養之謀育陰榮筋爲主補氣佐之生地首烏歸身白芍桑椹疾藜兔絲千年健杜仲川斷狗脊玉竹覆盆鱧魚膠黨參黃芪白朮茯苓橘絡苡仁雞血藤膠虎骨膠阿膠煎貯服之頗驗

馬錢昌範九上海警署營業課素虛陽衰終年以參桂爲補益己酉五月雷雨

時馬車出外辦公略感寒溼卽凜寒裏熱延診脈細濡並無數象舌紅苔少予謂此非暑邪乃寒溼也體虛不禁開泄卽疏參蘇飲去乾葛枳殼加桂枝生慧仁等藥症相符有疑時令夏熱開豆卷滑石等君亦知醫一笑置之尋以用桂應手人體之偏寒有如此者時君年近五旬蓋江蘇長洲籍也益以閱歷則甬友黃益三外科年方而立三伏能穿二衫乃法蘭絨心焉疑之渠云某體陽虛年服全鹿丸二三觔桂附八味稱是陽道猶不興也稍衣薄體卽畏寒患感身熱李君圖治兼旬不愈因舌紅少苔脈帶數不敢用溫終不獲痊自用溫經卽效故陽虛者早服溫熱並不覺熱若果陰虛陽亢晚年亦忌溫補也

袁敬之表弟戊申胃分作痛按之有水聲而輸運不健納食不旺脈濡遲苔薄白決爲中陽轉旋略遲水飲卽停卽疏益智雲苓澤瀉嚇嚙子丁香蔻仁烏藥范志絀陳皮苡仁椒目等服有驗效方增損而痊交冬來商膏方扶脾通陽益氣和血爲潞黨參於朮雲苓黃精扁豆秫米橘皮霞天絀益智香附九香蟲嚇

嚼子香櫟皮玫瑰花當歸白芍菟絲杞子料豆金橘餅等煎飴糖收膏服之胃
病不甚發矣

姚繼枝警署總務科（後爲局長）己酉開辦衛生因採用拙擬醫治條例就
所診脈濡苔白述知體肥痰多委疏食醫之法因陳意見略謂肥偉多溼溼盛
生痰而皆由脾胃之健運退食自公大酺時凡肥膩炙煇酒類糖食舉凡滋助
溼熱之介節之爲宜綠茶清熱溼體亦生溼飲餐後宜普洱松蘿等品以消油
膩雪茄煙西人自認消耗氣液疏遠少用飲水則閘北浜中水甚渾濁爲釀病
之端必須遠汲源清而流自潔云嗣聞署中飲水以水車每日臨河汲取明年
夏因署後馬隊數十蠅蚋甚多庖廚逼近菜餚因以不潔爲公衆衛生詳陳利
害亦曾酌用謹小慎微三年如一日也

袁右農泄每於暮分撐脹晨必病作辛丑就診脈細弦苔淡白肝強脾弱木土
相凌宗王海靈法丸以緩治方爲於朮雲苓吳萸廣皮土炒白芍生熟苡仁木

瓜蒌藜金鈴兔絲木香扁豆雞內金沈香糝糊丸清晨晚餐前各服二三錢
鮑榮春之妾戕伐早常有淋帶丙午夏懷妊七月感暑熱身熱嘔吐胸悶洩淋
痛便不通時正伏中暑邪內淫初疏鬱金香豉黑梔竹葉淡芩紫苑車前地膚
冬葵子杏仁蘆根川連鮮藕荷梗另更衣丸服藥熱減便解溺爽然熱未退淨
腕悶腹痛帶下無片刻之停復用連翹知母白薇青蒿鬱金磨蘇梗淡子芩川
貝香附荷葉蒂蓮鬚鮮藕服後熱止帶定嘔減而少寐汗多肢厥不暖者二日
是熱傷營液表甚疏泄子臺參葉棗仁扶神糯稻根料豆衣焦秫米地骨皮桑
寄生蓮子青心淮小麥燈芯等汗止寐酣而安

顧寶臣警署書記課長己酉六月延診其令政脈弦舌白肝氣橫逆腹脹作痛
納食不旺進疏肝和中白芍甘草烏藥范志糝茯苓香櫞皮藕豆衣金鈴炭台
歡皮木蝴蝶雞內金南棗等味頗應 逾年秋顧君患伏暑寒熱起伏審其脈
滑數舌紅苔薄卽疏豆卷滑石通草生苡仁厚朴花杏仁黃芩竹茹鬱金宋半

夏野薔薇花另用大劑青蒿露白荷花露代水煎藥取其芳香清暑氣之鬱二劑而應所以速效者因皖籍中氣較旺脾溼較少宜透膜原卽告肅清警署書記員張君己酉夏仲招視令慈新自籍來滬霍亂吐瀉有膚冷自汗脈微苔白懶言乃高年脾氣失宣外吸溼濁兼有水土失宜爰疏廣藿香新會皮烏藥川朴蔻仁白檀香神麴查炭苡仁雞內金車前子藟豆衣伏龍肝左金丸等并令節食服之吐瀉一止餘症均安翌歲夏又患是症則因食積傷中消導和脾亦愈迨光復之後張仍在局頗蒙關注以此

周恆吉衣業其婦不生育因納妾常年氣惱肝木乘脾火激衝任經至如崩已經有年述知服參茸止兩月復如崩請醫調治服涼血藥經愈多因脾傷增泄瀉丙午八月延診脈弦異常面淡白無神便溇日數行用斂肝扶脾白芍甘草扁豆茯苓霞天糶兔絲子木瓜皮山藥苡仁等瀉不止加於朮伏龍肝稍止覆診時自述經將至求預防藥於朮白芍木瓜茯苓川斷杜仲寄生扁豆花烏梅

棗仁香附并用牛角觶禹餘糧血餘炭黃絲棉炙研阿膠溶化丸參湯服三錢
易朝宗警署測繪己酉七月患噤口痢下赤白腹痛嘔惡拒食脈數苔白指單
黃係伏熱積滯蘊於腸胃卽疏木香枳實茯苓沙參查炭銀花白頭翁黃連黃
柏紅麴滑石荷葉扁豆花鮮蓮子并令服燕醫瀉補丸五粒遂下黑滯之積其
紅白痢亦止不數劑熱清胃起續予和中旬日而安

張姓女庚戌夏來所診治不時寒熱脇痛有形症已經年驟視其面龐消瘦脈
細滯舌紅似屬勞損繼詢知去年由瘧而來伏邪留戀深入絡隧卽疏補中益
氣加減用鱉甲煎丸九粒外用消痞阿魏膏烘貼照服一星期熱減塊輒再診
前方增損入蜀漆川鬱金等味熱止塊散霍然而瘳

丁某滬南其室陰虛體弱產後風臥咳嗽有人云人參再造丸大補自購服之
喘咳大發因喘吸大煙則鼻熱如灼乙巳冬邀予診視前方乃潘姓開初用三
子養親繼用熟地等亦不甚效脈則弦數證見耳癢暮咳甚內熱痰軟便血溲

赤陰虛內有蘊熱溫散本忌大滋則礙脾運初方南沙參冬瓜子杏仁黛蛤散旋覆赭石白芍杞子蒺藜木耳炭金鈴炭黑梔蘆根服之耳癢卽退咳亦頓輕令用白木耳使血內熱亦止畏藥卽輟丙午春診脈仍弦潮熱減輕咳四日而一發當腕有形亦氣聚不宣咳旣有時並非外感予擬七味都氣丸鎮攝之前方以宣氣降胃爲法嗣遷居北市未曾調補云

施永隆滬南丙午正月十三日因大氣忿卽病腹痛氣逆至數夜未眠痛引少腹旁攻脇背向有嗽痰幸未併發脈左沈右數滑苔白膩是肝氣挾痰之症先使磨鬱金烏藥蘇梗伽南香服之得吐痰食漸鬆續進半夏陳皮茯苓沈香薏仁鱗嚙子瓦楞子金鈴子黑梔服後連得矢氣氣逆卽平然向有癍塊已消復撐腹硬痰灰左脈已起而弦氣火猶未盡熄卽定青皮橘葉絡旋覆鬱金丹皮黑梔木香白芍金鈴玄胡沙參木蝴蝶雪羹湯代水煎藥脹消痰化而愈

王楚江滬南其妻稟質陰虧丙午立春之汛咳嗽忽作先與清揚肅肺轉覺氣

逆脈弦楚江言及氣從臍上衝而痰則帶鹹於疏化痰濁藥中加石英青鉛沈香蛤殼氣逆一平咳卽大減越數旬凜熱不飢便阻惡風頭痛自後喘咳又作脈左弦右滑衝氣旣僭兼有新感桑葉旋覆瓜瓣杏仁半夏陳皮茯苓薑皮竹茹枇杷葉蘆根雪羹有薦戴濟川者戴謂不識此症如何應診此恙僅須一二劑卽愈疏方小青龍湯也且謂初診姑減其制若第二劑麻黃三分要加倍云楚江以藥分寒熱不自主裁會有羅店沈君在滬邀其一視卽是予議云非伏寒薑桂麻黃不可用也僅加甜葶藶半夏製而已服後氣平咳減諸恙亦退沈君回羅囑仍邀予調治病者最不喜藥一退卽不善後嗣回寧波聞其交節則喘汗形肉大削甬醫用溫散更不相宜云此症宜於平日常服七味都氣丸之類以養肝腎而潛衝氣與治外感咳不同

榮姓年逾花甲向有感氣乘胃引脇遶背戊亥至陰之時其痛最劇甚則欲厥庚子冬延診脈左虛弦右微滑舌紅苔措膩白述知納食生煙泡幾及三年且

向有血症者燕昌王氏謂洋煙味苦臭香苦則助火香則散氣生煙大毒極伐精血則是血症既虧於前生煙復耗於後人身氣血幾何詎堪經此漏卮故屢疏肝而痛仍劇足見五液衰奪虛氣無歸也肝血既虧筋矢所養絡乾掣痛亦固其宜夫肝用甚銳而肝體甚柔養肝制肝之急自無疑義無如中宮痰濁甚盛攷古有墮藥一法茲宗其意用熟地炭首烏歸身杞子川斷牛膝柏子棗仁阿膠研末蜜水泛丸如痧藥大候乾再用參朮半夏橘紅沈香茯苓香櫨霞天麩末蘇梗湯將前之小丸灑溼逐層泛丸如桐子大爲度每服三四錢然生煙泡不除亦屬無益

林姓三十餘舊有脘痛飲火酒收效庚子四月喫麪後飲冷水卽脘腹滿痛按之愈甚繼而嘔吐涎酸甚至於呃漸有微熱鄧彥脩因其忽熱忽止謂是勞損已至七八用洋參麥冬五味子加入沈香枳殼雖有矢氣腹痛殊甚不納不飢溺黃便溏脈左數右濡滑舌白中乾是素有飲邪今感邪挾積開不換金正氣

散去甘草加菖蒲鬱金老蘇梗烏藥茯苓苳苳仁萊菔子澤瀉玉樞丹等味得瀉而安

蔡右二十餘向有喉痺已經十年陰虛火炎勞則熱痛或更足痛經事甚少形體孱弱胃納平常脈弱左弦苔白舌紅因照喻化丸意立一丸方以治之北沙參大麥冬嫩玉竹杞子女貞川貝花粉青黛元參柿霜蒲黃青鹽研末用生地煮汁搗丸如桂圓核大每日臥時含化頗驗數年不發

蔡君己酉夏月伏暑甚盛秋初晝寢未覆衣身熱肢痛頭疼掌灼目爍心悸震躍熱時煩悶微咳痰多是伏邪感寒而發素有肝陽挾痰擾攘擬施鼓青蒿桑葉杏仁連翹甘菊苳苳仁鬱金竹茹枇杷葉宋半夏象貝雞蘇散服後汗出不暢頭痛咳嗽掌熱目赤見物皆紅黃少寐更甚脈滑左弦大苔黃伏熱未解風陽尙僭疏施鼓滑石青蒿通草鬱金丹皮甘菊連翹竹茹銀花蘆茅根熱戀汗少噁噫音啞頭痛少寐口乾心煩脈弦洪大苔黃尖紅伏暑挾溼不節飲食滯氣

交阻全無出路乃體虛病實所慮邪陷風動金石斛連翹茯苓神川貝鈎勾黑
梔枳實生石決澤瀉法半夏益元散桑葉石菖蒲服後汗多便溏頭痛未止少
寐多夢（伏暑最逗留老年忌燥宜養津清透法）復疏石斛連翹鬱金通草
銀花鈎勾赤苓神川連蘆根荷梗枇杷葉熱勢漸退 此因老年伏暑挾肝陽
溼滯之症頭痛易驚掌熱不寐熱勢太熾以清化得效

彭啟發三路四區警署己酉七月邀診到則署長令警士站班相迎賸以茶點
彭巡長霍亂之後便溏納少形神不旺先前曾服附子理中湯頗效是上江體
氣較強無伏熱故今仍脈濡少力皆白子疏野於朮雲苓扁豆神糶砂仁雞內
金車前子益智木香穀麥芽苡仁荷梗等調中運食將養半月而安

張翰臣室胎漏二孕未育今又半身每月來雖少不澤氣虛血滑大為非宜蓋
子在母腹毓之者氣與血耳氣血既不固攝胎氣不足子雖得毓先天薄弱故
鮮茁壯然體肥多溼膏滋非宜爰定丸方授之人參歸芪於朮茯苓神歸身白芍

生地川斷五味兔絲杜仲寄生阿膠升麻野苧蕨根煎湯糊丸空心服

胡氏婦經事兩旬卽來色絳而紫四肢痠軟脈細數舌微紅不時帶下夫女子之經應於太陰血熱則行速血寒則行遲其行速也其血紫也皆因其熱也惟體肥溼盛胃鈍肢痠姑照虛者補之實者瀉之之意立方歸身炭大生地白芍丹皮龜版麥冬地骨條芩香附知母茯苓白朮半夏等味研細蜜丸戒食椒薑煎炒熱物

張沛基之岳滬南治業己亥春季溫邪留戀已經三候寒退熱戀有汗不解脈數口渴苔乾唇朱審其溼微熱甚逕投白虎加連翹山梔蘆根茅根竹葉等一涼而熱勢之退甚駛

華左庚子冬診腎陰早虧陽亢不制未冠而喉痧劫陰漸以不仁愈後足弱腿瘠交冬腿冷左足猶甚氣升胸灼目昏咽疼炎暑則怕熱便堅多汗厭煩其金令一肅髮落爪脆異於他人齒則豁而時痰痰則濁而如糜脈弦數不斂苔溼

白潤按先賢吳氏謂腎主五液而惡燥肝木全賴腎水滋養腎水虧肝卽亢所謂乙癸同源治須專翕純靜攝陽動之太過喻西昌謂陰足不畏暑猶水田不怕旱陰虧則暑自易侵自毋待論丸方以毓陰爲主兼參氣主煦之熟地歸身白芍首烏杜仲川斷杞子五味覆盆金櫻沙苑狗脊龜版鱉甲牡蠣龍骨旱蓮參苓朮草山藥二泉膠霞天膠溶化丸服之陰平陽祕各症均減

陳章泉滬北庚戌患夢多驚擾遲遲有濁脈弦苔剝是多欲陰虛肝陽不潛胃陰亦虧之證當疏石斛麥冬茯神棗仁百合心預知子珍珠母紫貝齒夜合花牡蠣龍齒蓮鬚芡實等頗安此症陰虧致病不受呆補故以此法出入獲效

袁姥五十餘滬南庚子診因上年血崩之後嗣每眩暈頭痛寅卯少寐便艱帶紅牙痠微痛暮分腿脛轟灼黎明掌心微汗方斂腰痠體軟兼有燥咳痰味覺鹹清肺攝納方效是血虛陽僭肺陰不足心腎不交首烏山萸熟地當歸白芍杞子龍齒百合棗仁茯神甘菊牡蠣天麻兔絲菴蓉女貞香附烏賊潞黨沙參

麥冬杜仲川斷阿膠龜版膠煎收膏服一料足脛夜熱腰痠便紅均愈惟眩暈頭痛越數月舉發仍以滋養取效

榮石滬南腹痛拒按暮熱左脈弦搏右濡苔薄血虛肝旺土衰木乘先清鬱陷之肝火桑葉丹皮銀柴胡青蛤旋覆青蒿橘葉黑梔蒺藜金鈴香附淮麥五帖夜熱退腹痛有形用老蘇梗烏藥白芍香附橘葉核金鈴玄胡嚇嚙子黑梔雞內金木香痛定腹舒而數月之後又發以養肝理氣之品爲丸授之

張姓滬北丁未春仲感邪咳某君初投肅肺化痰已減脘悶未化早投參芪固塞之品遂至脘分懊懣氣升卽咳類乎怯症余診脈右滑數知病在胃府以胃爲中州爲水穀之海氣滯而溼痰壅阻胃氣上逆非虛嗽也卽疏旋覆代赭半夏苡仁萊菔子蘇子鬱金茯苓川朴花竹茹冬瓜子杏仁枇杷葉等氣平咳減痰吐未爽加半貝丸服之痰稍滑利氣機由塞而通矣嗣欲定丸方亦宗治胃以通爲補之旨

華左陰虛肝旺耳鳴多夢習爲常事春仲晨起躓仆肢軟足痿無力片刻眩定脈虛弦苔滑生地元參丹皮鱉甲龜版白芍五味地骨川斷決明龍骨牡蠣磁石天麻等毓陰鎮陽眩暈定氣自臍下衝上肝旺衝氣不納勢仍鴟張更用熟地元參牛膝歸身白芍五味紫石英萸肉龜甲沈香胡桃肉左牡蠣淡菜諸品衝氣不作足軟無力仍用滋養肝腎之藥煎膏服之而愈

榮業成虹口盈記錢業己酉夏因天熱慕西人空氣卧法將涼蓆鋪於曬臺快甚交秋患伏暑起伏熱盛口渴胸悶嘔惡煩懊少寐初診脈洪數苔白單黃審知熱象雖著形寒亦盛是暑爲寒東先擬梔鼓鬱金杏仁滑石通草菖蒲蘇葉竹茹青蒿荷葉玉樞丹得汗嘔止寒解畏熱去蘇葉玉樞加連翹淡芩竹葉蘆根伏熱退清而愈此乃童體結實故幸未大劇否則必險

陳仰卿法界新吉廬好色多妾乙巳患眼病之後畏光不能視物而外無浮翳恐成內障脈虛弦舌滑余謂肝腎內虛非點藥可瘳生地天冬丹皮杞子蒺藜

菊花決明元參穀精外令服固本還睛丸取效

口賦主賦天姿丹賦

華左己亥六月開窗臥欲事後畏風振寒烈日不暄繼而身熱兩足如火灼脈濡苔白詢知房後並未得卧陽損陰耗感邪內襲卽張氏醫通傷寒緒論之夾陰症也初用香蘇飲得汗熱勢和胸悶胃鈍脫衣則寒著則煩熱苔指而臑脈轉濡數表邪未清溼蘊熱戀復用豆卷苡仁杏仁薏仁川朴竹茹蘇葉半夏鬱金茯苓等熱減不清苔指中臑前方加入製蒼朮少許溼化苔化胃納漸進逗留至二旬餘方愈此少年體虛夾陰幸而伏熱輕蘊溼重雖有足冷後亦轉暖虛陽潛囊未縮無劇烈之變幸矣

實之藥煎膏服之而愈

吉右庚戌有姪便溏氣滯腹痛腰痠帶多小洩夜多不禁歷來每至八月有餘卽產故孩不强壯邀診商安胎法脈左弦右滑苔滑薄白詢知便溏由瀉症而來腹痛由氣旺餘症由腎虛古云欲齡兒壽當治其母西法補血輪則生男是補血固氣堅腎爲至要熟地白芍萸肉杜仲合歡皮川斷杞子山藥當歸頭黃

芪黨參香附升麻荷蒂爲丸服之未間九月餘得產男孩頗快而健